

文苑英華卷第五百八十一

辭官二

爲楊相求退表一首

河東副元帥馬司徒請罷節度表二首



卧疾辭官表一首

代盧相公謝賜方藥并陳乞表五首

代賈相公乞退表一首

又代賈相公陳乞表六首

代魏傅田僕射辭官表一首

代韓僕射辭官表二首

爲鄭滑李僕射辭官表一首

代裴相公辭官表一首

為楊相求退表

德宗

于邵

建中二年

臣炎言比者盛夏無雨農人觖望遂軫聖慮迨乎孟秋乃  
 下明詔並表羣祀神人協和膏澤旋降嘉穀無害粢盛可  
 期此皆陛下明聖慈仁上應臣所以慙貌重位容身無地  
 載積憂懼豈遑夙夜歷觀自昔帝王以理天下者未有不  
 疇咨訐謨以熙帝載三五以降則有六相十六族共陳翼  
 亮之功其在夏殷不易斯典逮周分六官秦置左右西漢  
 因之以丞相東漢更名以三公魏晉雖有損益亦無獨任  
 之道陛下拔臣江澤之外致臣密勿之地縱欲思報鴻造  
 贊襄盛業其如智識薄劣力所不任常恐負乘之類無以  
 塞責臣又聞之天有三台鼎有三足丞疑所以備四輔股  
 肱所以象四體創明堂構大厦非一木之力焉况臣駑愚  
 而久備位今舞干以化戎狄脩好網羅再張兆人是賴朝  
 多賢達野無遺逸一能勝臣者則指顧皆是豈以萬務之  
 重而獨委於凡流乎縱臣一朝敗累分從隕越則既墜之  
 跡死將安謝伏乞俯廻天鑒退臣散地舉用伊臯使不仁  
 者遠臣雖萬死誓無所恨不勝待罪兢惶之至

河東副元帥馬司徒請罷節度表

德宗

崔元翰

興元元年

臣燧言臣聞享其名者必有其實受其賞者必有其功臣  
 以往年奉詔東征田悅尋又伏奉恩命加臣魏博節度使

方將收其土地撫彼黎人致天誅以伸威布王澤而施惠  
不得不居其任何事而辭其後摧敗雖多剪滅未即類表  
未其賊偷延數刻獨保孤城田悅以潰亂殞身田緒以窘  
逼歸欵聖恩復加弘貸悉復舊封以臣有擒制之所係纏  
綏懷之所降附人徒之衆將吏之多特勅別置保寧軍節  
度仍以臣兼充其使臣又方以勞來爲事實且慰安其心  
尋蜀西討河中內清關輔事殷任重勞力焦神正在憂虞  
未遑辭讓今臣舉軍還鎮解甲息師况當歉歲未康疲人  
類表固苦復虛兼二使別創兩軍職任既繁祿廩愈一作  
作重倍且臣非有收郡邑壁壘之實不宜復加名位非有保城  
海對畧之才不宜別開軍府而乃妄爲繁費謬積恩榮在  
私心懷苟得之羞於國典爲虛授之失伏乞罷保寧節度  
停臣此使以保寧軍兵馬隸屬河東節度則聖朝有省約  
之利愚臣減盈滿之憂且臣尊爵大官窮榮極寵何待加  
茲一職乃爲被以鴻私今保寧河東兵馬久同征行以相  
和協有同一體不必異名頗亦便安伏希裁擇無任悃欵  
之至

第二表

前人

臣某言爲臣之道臣實聞之有難則受命而不敢辭事君  
無苟免之責已安則避位而不敢處量已無昧進之譏况  
禍過忌於滿盈任重憂於顛覆臣之所懼孰以類表爲宜  
臣少無材能進非輕術因逢屯難遂効驅馳陛下每錄微

功累加高秩皆緣恩澤備盡寵光名列台司位兼宰輔總  
戎巨鎮類表居守舊都比又以東討魏州招降頗眾伏奉  
恩命別以為保寧軍節度又以臣兼充其使重以四征羣  
寇總帥諸軍加臣河寧保寧東寧等軍節度并管內諸道兵  
馬副元帥臣亦欲懷來欵附統一携離以此因循不即辭  
避今者寇戎剪掃區宇混同方將撫綏無事征伐則止不  
宜復居副元帥之任保寧軍將士與河東將士久同居處  
並以和寧不必別為節度伏請停此二使許臣但以河東  
節度使鎮守北藩猶有尊官又兼寵祿以為厚甚不可復  
加雖尚偷榮近於量力豈將飭讓於外實惟陳請於中伏  
乞聖慈俯垂照鑒臣無任懇款屏營之至

卧疾辭官表

德宗

齊映

貞元二年

臣某言臣生何僥倖遇聖屬千年之運命何舛薄染患逾  
十旬之程法既限於朝章事竟塵於天聽惶懼戰灼不知  
所圖臣某中謝臣自三月天澤傍流御醫親降膏育既辨  
沉痾日輕但於寢疾多時羸頓猶甚支體骨立氣力惛然  
審慮旬日之間未任朝謁之禮更以法資畫一令在必行  
豈以微臣虧於大憲况中書近密樞務重切不可一日而  
闕臣以累月在假頗為曠闕罪實難逃更乞淹延心何自  
處故臣之陳奏非敢竊退讓之名臣之懇誠非為追止足  
之誠直以當其無病猶不逮人既以違文豈堪玷法伏乞  
弘廣運之道崇大中之規是歸執象之言以副垂衣之理

豈微臣幸甚實葵章幸甚無任誠懇之至

代盧相公謝賜方藥并陳乞表 德宗

權德輿 見集本

臣邁言臣自染偏風今已彌月將息未減渥澤轉深伏蒙特令供奉僧智昌醫療每日令中使存問及賜柳湯煎驢頭方仍便令服餌者臣以庸賤昧於攝理久茲竊位常懼害盈陰陽之和無補時化風毒生疾上煩聖慈靈方御醫稠疊備至雖受恩服藥誠合漸瘳而福過災生慮難自保况中貴將命寵臨私門犬馬之微日塵鞋纒或有加減自合上聞非常之恩伏乞停罷且台司要重廢政泉源以臣平古素積官謗今右邊手足動用不隨自滯就瘳也謹此

將伏乞以特免職使得養疾家口居博求上才用塞人望則公朝無覆餗之責陋質荷生成之仁今攝衣拜章力且未足口占代署貴達愚衷無任感恩迫切之至謹奉表陳請以聞 貞元十二年十月一日

第二表

前人

臣某言臣以疾病所嬰在假既久自審不逮遂有上陳詔旨優答懇誠未允屏營慚懼不知所安臣聞為官擇人各司其局條貫責實 集作條責實効 共致理平九在庶僚猶不可曠况宰臣之任曷足承君調和陰陽左右教化能否之下利害繫焉苟有所壅其傷必大以臣虛薄備位四年奉勵精之勤但樂昌運當具瞻之地莫負羣心書曰百僚師師百

工維時言得其人也語曰陳力就列不能者止言審其分也况沉頓逾月冠帶未任風毒所侵惟望速差彼已之刺倍切於今以被病之微臣尸台司之厚祿自知不可如公議何伏枕披誠再黷宸扆冀廻天鑒俯遂愚衷所謂曲成豈惟平施無任悃欵迫切之至謹奉表陳情以聞貞元十二年十月八日

第三表

前人

臣某言臣逼於疾瘵累有陳奏再奉詔旨私願未從感恩則深量力難濟况偏風伏候與諸疾不同雖時似少減終慮成沉痾中樞務重不可闕人自臣在假已四十餘日曠廢斯甚兢惶益深一夫不獲一吏不職則繫聖慮以之憂勞今臣手足未平心緒未復卧受豐祿胡顏自安伏惟陛下順天理物躬勤庶政事無細大成遂其宜豈可獨私微臣久玷時化是以直疏誠懇不敢苟飾煩詞冒黷宸嚴期於照鑒無任惶怖震越之至謹奉表陳請以聞貞元十二年十月十日

第四表

前人

臣某言臣素以庸虛又嬰疾病半年在假未任出入四表上陳備盡誠懇過蒙渥澤特賜優容聖慈則深私願猶阻俯仰衽席兢惶靡寧臣本謂至春和得漸平復今方藥遍用根本未除雖簪帶假人得以被體而趨步無力難於拜恩輔臣之任百辟是仰遵守法度誠所宜先豈有踰歲家

居尚塵鼎飪况所受厚祿出於疲人竊位公卿尚知不可  
沉痾私室何以自安易象害盈實在今日伏惟陛下弘覆  
萬物曲成不遺凡在懷生各得其所以臣沉痾久曠官司  
前後臣聞披歷肝膽期切之至謹奉表陳請以聞  
貞元十二年二月二十五日

第五表

前人

臣某言臣待罪非據歲時已深寵秩逾涯災患自至一從  
移病忽及周月五獻章表未遂血誠沉痾之身滯於床枕  
職守之効絕於官曹虛費祿廩不安夙夜遂於去年五月  
二十八日進狀乞停俸錢自後不敢更有請受竊冀素餐  
之責少息輿議再懇之至上廻聖心邇來又經九十餘日

承命未下憂惶無措蓋聞祿以詔功又以養賢以臣之愚  
而無功績又此尸曠俯仰內訟逼於公私臣之情理實為  
難處臣之言詞不能自達使得終獲退免曲遂微誠亭育  
深恩實在於此無任猥逼懇款之至謹奉表陳乞以聞  
貞元十二年九月十三日

代賈相公乞退表

前人

臣某言臣以庸愚謬尸寵祿位居師長職重台司徒叨渥  
恩無補時化跼蹐荏苒六年于茲去秋以來多病相繼每  
自策勉以奉休明而筋骸內衰官謗外積近染痢疾綿歷  
旬時進退之狀不恒寢食之理皆耗伏寢循省無所克堪  
凡在常情皆願貴仕况臣累蒙任使實越等夷從容廟集

朝堂沐浴天澤恩私歲久誠每切於匪躬疲薶日侵事有  
逼於量力伏惟陛下覆育臨照曲成不遺俯矜愚衷移授  
散秩則樞軸不曠輪轅適宜拳拳之誠所望斯足無任懇  
欵惶懼之至謹奉表陳請以聞

貞元十四年七月二十四日

又代賈相公陳乞表

順宗

前人

臣耽言伏奉今日制除臣檢校司空兼左僕射依前同中  
書門下平章事祗荷成命捧戴恩私心竄震驚慙怖失次  
臣以庸薄無他才能先朝過聽謬賜驅策叨居鼎餼十有  
三年猥承雨露之恩終闕涓埃之効累經陳乞未允懇誠  
復以餘年再承休運

集作命

自陛下紹

集作纂

膺寶歷澤被羣

生亭育所加飛沉遂性而臣齒髮頽暮疾恙嬰侵筋體

集作寢

日棄心力皆耗况宰相之職用調陰陽司空之官實平

水土從古授受重難其人以臣平居猶知不可今中旣眩

毫外亦支離寢興不安言語失次豈可苟貪貴任上玷清

時省躬則然况在公議古者君有致政之惠臣感得謝之

恩鍾鳴漏盡前哲所誠年衰疾劇在臣爲甚逼於情理敢

黷天威悽悽血誠期在鑒聽無任懇欵恐懼之至謹奉表

陳讓以聞臣耽誠惶誠恐頓首頓首謹言

貞元二十一年三月二十一日

第二表

前人

臣耽言臣以疾病所逼氣力不任輒露懇誠上祈退免聖  
慈備至私願未從詔旨便蕃慰勉織悉自宜策勵以奉休  
明螻蟻之誠敢忘夙夜犬馬之疾日益纏綿視聽昏煩舉



措乖誤心不記筆口不逮心神理害盈正謂今日昔韋賢  
致仕著在漢庭韓厥請老書於魯史豈可以茲沉廢苟汗  
班榮逼於公私非敢撓挹自聖明馭宇動植覃恩豈於庸  
愚獨阻誠志乞廻天鑒俯遂殘生伏紙上陳感涕嗚咽無  
任惶懼懇切之至謹再奉表陳乞以聞臣耽誠惶誠恐頓  
首頓首謹言

貞元二十一年  
三月二十七日

### 第三表

前人

臣耽言臣殘年沉瘵漸不支持再表上陳未蒙允許顧茲  
朽質徒感鴻私而枕席纏綿形神消耗上台之任歲月積  
深大病之期晦明難保自叨升論道扶疾拜恩邇來狀候  
日以羸瘠集作頽災因福過足驗於今伏乞賜臣骸骨收臣

印綬期於必遂不敢煩辭無任量力懇逼之至謹奉表陳

乞以聞

貞元二十一年  
五月二十日

### 第四表

前人

集作過

臣耽言臣聞生人所欲豈過富貴仕進之榮無踰公相臣  
受祿過厚叨恩且深疾瘵所侵日月以甚表章三上宸睠  
未廻集作未蕭然私室溘盡是慮臣頃歲齒及懸車疾經百日輒  
援禮令乞遂休閒先聖優容未蒙允許集作於今則桑榆轉

逼沉頓寢深比於往年遠不相及前後陳請備竭肺肝特  
希聖慈俯鑒愚懇羸骸假息所望退身瀝血披誠伏待明

命無任屏營懇逼之至謹奉表陳乞以聞

貞元二十一年  
七月二十三日

### 第五表

前人

臣某言臣以庸愚累叨爵命大行皇帝拔擢非次列於宰  
輔歲時寢深塵路無補太上皇踐祚聽政寵登三公而臣  
寢疾所嬰已在牀枕沉疴日劇氣力漸微自春涉秋四表  
陳乞伏遇陛下繼明慕統臨照萬方澄清化源朝野相慶  
但臣百疾所湊四支不任豈使將盡之人猶處具瞻之地  
私誠所逼上黷宸嚴既非矯一作讓期在聽納無任懇款  
逼切之至謹奉表陳乞以聞永貞元年八月八日

第六表

前人

臣某言臣犬馬之疾福過災生前日以來轉就危困自量  
氣力的不支持自陛下一作嗣纂睿圖臣已寢疾一作綿亟竟  
不得一趨陛下一作謁龍顏幽壤之中以此為恨臣備位宰

歲時最深永歸泉下無補明代伏惟陛下為萬姓自愛則

幽明蒙福無任感恩哀戀之至謹奉遺表以聞永貞元年十月十一日

代魏博田僕射辭官表

臣某言臣聞中原息戰子房得以乞身東吳既平范蠡終  
能行志二臣皆因時効用遇主成功進咸展於盡忠退各  
安於秩考所以立名萬古保慶一時愚臣夙心私有所慕  
况蒲柳先邁鴛鴦易疲審已無堪量力知止吐誠上達罄  
寫中懷仰覬天慈俯照愚悃中謝臣雖長於戎旅幼業詩  
書每稟効忠之言早勵為臣之節當河朔承襲之日在軍  
幕危疑之間每動險中幾隣於死常以捐軀報國率彼頑

人受命指蹤掃清餘孽用摠宿憤一作志以答明時一覩天

庭百生願足但懷感激豈意遭逢伏遇陛下神武應期聖

謀獨斷臣得進陳忠款見委赤心唯將探甲啓行執事畢

力上憑睿筭凶寇自夷今日獲覲天顏躬承睿渥平生之

願既遂休老之志宜申豈可更貪寵光久冒榮祿使貽官

謗取笑將來臣自總魏師初率歸化當時結念便誓此心

祈於一作始素誠非是飭讓匹夫之志猶不可奪臣昨自離

本鎮亦以此意明言陳諭聖恩勉其忠義將士等皆懷皇

化盡激丹誠則一軍幸安且無足慮在於今日臣何所任

豈可久職妨賢待譏竊位此時不退何日宜退臣犬馬之

齒未云甚高筋力之間已知不健一作健加以少懼憂

髮早衰久經行陳心力已耗若許其優養或冀保餘年儻

抑其愚性則生理必阻且身兼將相人臣之位已極蒲朝

子弟人臣之家至盛於國何補獨荷殊私所以優餘惡盈

樂在知足擊壤自歡於聖日懸車豈待於禮年是用瀝膽

披肝冒昧陳乞伏惟皇帝陛下德邁羲軒恩深覆載蕩除

餘侵禮理致太和動植含靈無不遂性方將旁求英俊共洽

昇平如臣以鷹犬之微獲申搏噬累塵高位常積厚顏福

過災生自當勇退且富貴榮樂是入所欲苟心所有尚意

趣或違疆其不能適足增苦儻蒙恩造獲遂優閑許歸衡

茅取樂餘齒是天地曲成之德君父莫大之恩五湖迴舟

生無慙於越相都門揮手死不愧於漢臣言披血誠情切

中素無任憫歎懇逼之至

代韓僕射辭官表

張述

臣某言臣以夙疾多時受任非淺常有負甌冒據官榮將  
貽折足之尤以速素食之謗昨者輒陳章疏冀蒙矜免不  
意血誠徒懇聖慮未迴懷荷寵私有如冰炭臣聞力小任  
重久則致敗功微祿厚過則生災故經垂知足之言易著  
負乘之誠皆明力不勝任才不當官臣雖辱微嘗所執守  
且臣受鉞閩外二十一年第執金吾男居藩服窮極寵幸  
萃臣一門每夙夜憂惶常恐身先犬馬不獲策勵駑蹇上  
報鴻恩今臣實懼不逮是以告訴况臣心力未減猶可支  
持筋骸已傷或難勉疆伏望聖主慈哀察賜徇一作懇誠恐  
其并有陳聞許以病免丹款懼遂沒齒為榮無任懇逼之  
至

第二表

臣某言伏以累獻表章微誠務達屢陳聖聽罪犯已多臣  
聞固陋寒賤人之所惡富貴榮達人之所欲自臣忝謬即  
宜推陳豈可蓄縮偷安效數一作依違苟得若禮一作命乖當植  
得者不勸一作榮故禮以旌德賞以勸勞諒或苟差何以沮  
勸臣自叨幸高位二十一年手足病風十有餘歲每恨國  
恩未答沉瘵遂嬰命竊極於公侯身實隣於廢棄幸逢明  
詔獲覩闕庭天顏咫尺之間稠疊慈諭彤庭拜舞之際宜  
一作曲賜人扶焉有臣對君上獲此恩禮陳于明庭雖丞相

乘車入朝鄼侯劔履上殿臣忝一作方臣僥倖竊彼殊榮未知何功寵光及此史冊莫載今古全無皆陛下降稽天之仁垂極地之德特開貸納俯賜含容君父之恩不可稱量臣每退朝之後感極滄流唯思訓子導孫披誠瀝懇率令致命不止終身盖由感深遂切肌骨但臣去就如此保固官榮尚稽覆載之私更安顯重之位則何以標明賞典準約朝綱臣是以陳露鄙誠罄竭於此昨者再披悃款冒死奏聞蒙賜批諭特加獎飭錄其微功未賜允從臣今輒敢復獻表章觸法陳乞特仰恩私養疾衡門則陛下無虛授之名微臣免曠官之責不奪之志告訴豈懼於再三缺望之誠允許庶幾於萬一陛下倘恕塵黷俯察區區容其病免

以狗誠請一作情雖死之日猶生之年臣無任

為鄭滑李僕射辭官表

王愬

臣某言臣聞虞舜之朝九官皆讓西漢之盛二疏云去蓋上以淳風盪俗下以廉耻激節故也况寵辱之際不驚則愚進退之間不知則殆中謝伏惟皇帝陛下德超邃古功格上玄誕敷文教丕變頽靡天地日月載惟貞明動植翔泳罔不咸若臣某席以枝蔭階緣休運弱齡入仕四紀于茲三省微躬一何厚幸是以每蒞一職每徙一官未嘗不心効權衡操懷竹栢雖齷齪廉謹曾無異績而毫釐過犯未污簡書知臣在君匪敢矜述自陛下嗣臨寶位一十七年不以疲駑猥蒙獎拔授以疆土假以麾幢入居宗廟之

司出典股肱之郡八座之貴臣拜者三六條之榮臣守其  
五四開戎幕一佐中軍至如宮相臺丞侍臣堯印兼命稠  
疊累遷頻速輝光旣極盈滿是憂間歲初領華州方宣聖  
澤俄以滑臺選帥非次及臣雙旌自天匹馬之鎮此州當  
四達之地控兩河之境兵雖勁逸人至凋殘臣遠仗皇威  
推誠撫衆服勤吏事盡瘁牧人遂得黎庶就耕織之時士  
伍知訓習之禮此皆大化光被臣敢貪天之功常恐三至  
奪慈孤立速謗此臣所以怵惕惟厲中夜以興願披血誠  
上達旒帟伏惟陛下少加憐察臣竊以酬恩徇節心實無  
涯引重致遠力誠有極臣先於嶺南染風毒脚氣今年春  
又患發鬢分將不起命及沾危幸沐亭育之恩免從隤蓋  
之斃臣年逾知命齒髮已衰疾經沉痾方寸頓滅又當繁  
劇必慮闕遺臣又聞制類表閫者以重鎮爲雄仗鉞者以  
專征爲務臣器幹不足以在類聚任方畧不足以持權何  
以統節制之師貞定否臧之戎律臣且陳力就列訓誥攸  
存審才則然以病宜免况巖廊多士宇宙無虞爲官擇人  
皆出臣右胡可晏安冒寵尸素妨賢乞降賜骸之恩以全  
折足之咎臣獲退就散秩保養餘年類表候筋力之復疆  
申赴蹈而寧晚臣於當類表部勸課營田及以羨餘優恤  
將士等事一一別具條奏冀明輯睦上副憂勤塵黷宸嚴  
冰炭交臆無任懇切屏營之至

代裴相公辭官表

文宗

劉禹錫

太和四年

臣某言臣去冬得疾近日加集作方劇西夕之景豈能久留

及其未亂披露誠懇臣犬馬之齒六十有七壽雖不長亦

不為短位忝公台近十五年皆由際會非以才進常懼官

謗以招國刑令被病得死保其始終為幸甚厚豈復咨嗟

所恨者遇聖明之君不得佐成太平之化自量氣力忽恐

奄時一作然則心有微素無階上達伏惟聖慈照鑒臨而察

之中謝伏惟集作以三公非曠職之地宰相非卧理之官臣

伏枕之初已有陳乞請罷真食兼辭貴階集作之伏蒙優詔

纒遂一事類降中使慰勉再三專令御醫旦夕診視苟安

名器不覺經時主恩則深公議不可伏思陛下臨御之始

宰臣四人逮今零落忽已一半臣且危惙餘年幾何唯易

立外鎮獨得無恙竊持此理權位難居伏乞賜臣停官許

在家養疾就閑辭祿或冀有瘳害盈福謙固是神理儻天

眷綢厚念以伏事多年臣之所陳未蒙便遂則國朝勳舊

以疾辭一作碎位者皆得致仕使其家居足以順養既有成

例著於舊章伏望天恩特賜哀允

文苑英華 卷一百一十五 朱清

文苑英華卷第五百八十一

校正一百一十字

九月二十九日

文苑英華卷第五百八十二

表三十

宰相雜謝

雜謝表二卷英華所編  
失年代今以先後正之

為左相宗楚客謝知政事表一首

為宋尚書謝加三品表一首

為兵部王尚書謝加門下三品表一首

代宰相謝加銀青并郡公表一首

謝門下侍郎平章事表二首

代嚴大夫謝黃門侍郎表一首

為盧相公謝除中書侍郎表一首

為趙庶子謝平章事表一首

為崔相公謝門下侍郎表一首



代杜司徒謝平章事表一首

代人謝平章事表一首

代王相公謝加門下侍郎食邑表一首

代崔相公謝加中書侍郎食邑表一首

代史蝕王相公謝加食邑實封表一首

代中書孫相公謝登庸表一首

代陸相公謝再入表一首

代史館王相公謝監脩國史鹽鐵使表一首

為左丞宗楚客謝知政事表 武后 李嶠 長安四年

臣某言臣志識無取才藝缺然叨預葭莩遂昇班秩彈冠

受職曳組登朝內府尸榮以招官謗中臺揆務愈應本

聖恩無限天造不貲仍屈帝難俾參皇極西雍之羽仍所

庶幾東郭之毫敢陳誠請九霄從遊三舍不廻嚴命必行

覲顏何真方持畫虎且對羣龍遂以挈瓶謬膺和鼎空焉

作礪之命豈庶磨鉛之功祇拜寵臨伏增慚惕無任悚戴

屏營之至謹奉表陳謝以聞

為宋尚書謝 一作讓 加三品表 睿宗 蘇頌 景雲元年

臣某言伏奉制書加臣為銀青光祿大夫餘如故寵榮俯

臨 一作寵 惶怖交集臣某中謝臣爰自弱齡素無 一作微 遠

操僨俛職事豈期聞達二朝揚歷數載塵冒以茲過聽皆

是曠官內省寂寥長懷愧負陛下聖明御極多士如林不

以臣不才擢升宰輔每侍帷幄未能招宣景化頃司衡鏡

...

未能澄汰流品一作流品若臣之咎將何以逃又擢一作臣於

循良之末賞於廉問之間一作舉遂出常規猥班休命臣之

涯分頓為忝越比者應踐榮秩各限格文欲使無相奪倫

較若畫一臣課効多闕勤勞未著爰屬首秋尚居五品名

聞之始階方泛及格限之內考復想懸臣何人斯忽當今

授臣縱不能鎮靜流弊安敢不罄其愚直首虧不刊之典

坐取非據之榮進退失圖心顏何寘况國之程式示於天

下凡有虧紊過在大臣臣自違之復將焉用臣年未知命

識非半古旋叨厚祿仍受隆寄求國章其已默一作而顧

身老而必然聖朝有刺於在梁微臣生災於轍室豈唯簪

緱之耻抑亦邦家之虛伏乞天恩曲流成貸矜其至懇知

匪鈔詞反汗收綸亦一作實臣之幸臣無任切逼之至一作唐類表

為兵部王尚書謝加門下三品表玄宗

張九齡開元十一年

臣駿言伏奉今月二十九日制敕授臣兵部尚書同中書

門下三品殊常寵榮集作靈妄集疲朽承恩竊喜任重憂深

集作惟憂臣誠懼誠恐臣伏以虛受之難魯史誠以量力滿盈

之患集作過夏載陳其招損一作損益非臣昔集作階緣試吏際會

登朝遂得入拜尚書比天之喉舌出鎮方伯集作出典方鎮為王

之爪牙雖忠烈之誠心知所竭而績用之美歲久無聞今

陛下不以為愚四字集作不以不能為光為寵寘之廟堂之上委集作以

軍國之謀實恐曷足不任鷦翼為刺退失微臣之守上累

文臣之...

陛下之明是以一集作夕九飛終朝三省泉谷為懼水炭

在懷道路改觀於將行班位一作固慙於幸得十四字集

於將行位固慙於幸得臣已有別狀其所讓人猶蒙曲私未寢嚴命

方欲俯俛恭命對揚休光磨鉛効於一割策蹇同於十駕

臣誠懼塵合席繆齒國華將何以允答鴻私弼諧大化拜

命祗懼罔知所為臣不勝荷懼之至謹奉表陳謝以聞臣

誠惶誠恐謹言

代宰相謝加銀青并郡公表

常表

臣某言伏奉今日制書加臣銀青光祿大夫特封河內郡

開國公食邑二千戶承命戰兢伏詔惶駭拜抃一作無次

感滄失容中謝臣累代宗儒傳經素位所以勉勵學業將

業其官而文愧承家識非半古本期代耕之祿稍階載筆

之地幸忝近署久侍內朝諺霑雨露之恩頗甄歲月之効

獲承大命謝暮訓之規載忝有司無辨論之實既虛職守

常懼蒲盈無日不思每期負敗當時同列咸一作所明知

豈意朝廷方正於紀綱天地忽思於微細擢升佐輔望出

羣情陳乞靡從曠廢何甚在萬邦之化首處百辟之儀刑

出自諸生猥當非據所以風雨愆候年歲不登邊徼一作

交馳田租減耗凡此數事職臣之由歷觀舊典合貶優秩

累因陛下奏獻封章天威俯臨微誠屢奪雖歷懇無報期

至誠必通上仰於朝度幾詣願受策於第是所甘心方祈

獲免之時更遇非常之賜特承七命之貴超過八階仍叨

五等之榮坐封千里雖庭堅謨弼之德山甫將明之才頗  
遇今恩亦稱踰分况臣道漸先哲識類平人未遂退還已  
紆聖眷頻繁寵拜實懼宸命一作神明伏乞俯照血誠特廻睿  
旨夫上有無功之授則下多不勸之嫌涓滴之勞未彰於  
近掖風塵之議將集於遠方所以撫心疚懷不敢奉詔拜  
手流汗詎容飾詞無任慙惶之至

謝一作門下侍郎平章事第一表代宗

前常袞文歷十二年四月

臣寮言伏奉今日恩旨除臣門下侍郎平章事祇奉失圖  
進退無據捧詔驚一作駭街恩戰惶微存懇誠得自陳露  
臣某誠惶誠恐稽首頓首臣本粗博舊業猥以文藝一作

於職官去歲已前尚忝絲綸之末今年夏首一作遂登

鈞石之司舊德名臣當朝宿齒不忝此選獨進非才撫已

再思胡顏自處伏以朝廷新有處分重舉典章而上稟睿

謀下清庶品或作物通於元本一作元本猶懼匪服之媿訪

於顯蒙將貽覆餗之責伏乞俯廻天鑒更擇時賢則三階

有協贊之功兩府無虛一作曠之誚無任惶恐之至臣無

任一作皆唐類表

### 第二表 前人

臣寮言臣退省無堪恐辱所一作授是一作以昧死上言

拜一作頓首讓于百辟一作士冀廻宸鑒以遂至公一作私復

降墨詔未允慙報惶怖不知所圖臣某誠惶誠恐稽首頓

首臣闢左右惟賢國安在相處具瞻一有儀之地當賦政

一有興之源故有開必先玄感幽贊軒皇則三台一作配虞

舜則五臣一作老同遊殷夢帝而得說周降神而生甫用能

洽皇王之道致天地之和至於漢興一作亦用人傑爰及江表

猶擇一作資偉才當此大任固非常品臣性惟愚拙才無經

濟徒以趙宮親聖遠事先朝穎川危蹕獲承中顧凡所履

歷莫非塵忝出於始望之外不知自至之由豈謂玄造曲

成大明私照俾佐邦政得參廟謀一作莫竊以當今樞務之

重在昔上公之任臣職非通鑒一作傳不可以論道文非雅

正不足以經邦德不能鎮撫四夷政不能親附百姓况戎

車上駕邊患未寧方欲弘濟艱難以崇大化豈齷齪三字

改非廉謹所能稱職若不自揣度苟貪寵榮寧止尸官備

員期於搢拆棟撓伏乞訪求羣議選用上才使聖朝有則

哲之明臣下無虛據一作受之責踏天踞地一作傾誓將死

請如或聖眷俯迴實亦天下幸甚無任懇逼屏營之至謹

奉表陳乞 一作皆唐類表

代嚴大夫謝黃門侍郎表

前人

臣武言伏奉今月十日恩制除臣黃門侍郎忽降紫泥擢

升黃閣出自非望感恩戰懼臣其中謝臣才乏經綸時逢

際會累更天秩何補聖朝三踐掖垣九除憲府久慙在政

一作有慙達政空忝觸邪犀節四持亂繩不理牙璋再建一作橫

草無功既曠職於神州又尸官於華省屬犬戎猾夏鑿駕

省方未殄國讐正當臣辱陛下分麾以討傳檄自安空隨  
冗從之流竟乏橫行之議尚多淹致一作尚淹致命仍更冒榮方

扈宸遊遽膺夕拜久缺斯任求難其人本求英儒將備顧

問素無學術何以允諧竊汗軒一作屏謬塵鑽闥寵榮非

望祗荷失圖恩重才微難於捧戴眷深効淺祗益兢惶上

答生成唯知死節無任感戴屏營之至一作皆唐類表

唐門下侍郎黃門東臺掌二侍中之職帶平章事

者固是宰相如楮遂良崔日用皆為黃門侍郎或

參綜朝政或參知機務亦宰相之任今嚴武表誤

入宰相門殆以此耳

為盧相公謝除中書侍郎表貞元十一年正月六日

權德輿

臣邁言伏奉今日恩制授一作命除臣中書侍郎同中書門

下平章事祗奉詔命循省妄庸感恩量力不知所措中謝

臣聞宰相者叙四時之化順萬物之宜用贊裁成使之茂

遂而中書密勿庶政本源以奉大猷是為右弼臣實允輩

本無他能家尚儒風獲承緒業因緣忝幸踐履班榮誠不

自意忽焉過量台司待罪已涉三年妨賢既久內省一作訟

彌切益廉謹誠懼人之常分而訐謨教化宜擇全才陛下

在宥萬方躬勤百度豈虞賤質并沐睿慈特遷紫微實玷

皇極臣面所陳讓推於至公天鑒未廻進退惶灼且使一作

段人以器知臣者君猶冀鴻私俯察愚懇害盈之禍敢受

段人以器知臣者君猶冀鴻私俯察愚懇害盈之禍敢受

文苑英華 卷一百一十五  
七  
微軀覆餗之憂難抑公議無任感恩怖懼之至謹奉表陳謝以聞

為趙庶子謝平章事表 貞元十二年十月十七日 前人

臣宗儒言臣伏奉今日恩制除臣為同中書門下平章事祇荷承命捧讀詔書心竄震驚拜抃失所中謝臣聞燮贊化源參和鼎實上合一德以平六符苟非其所繫斯重臣本虛薄素無器能徒以文藝獲承代業比肩多士陳力清時累叨渥恩踐履官序頃歲奉職中禁草議南宮遂忝左曹列於近侍顧常內訟已慮曠官豈惟宸眷特加擢在非擬伏自循省不知所安且臣去冬尚守郎吏今纔一歲

遂備台司苟 集作 非全才難塞公議雖鞠躬匪懈心

君之誠而宣化賦政恐累知臣之舉生成難報覆餗是憂伏以面奉德音不敢更有陳讓拜章感涕上答何階無任荷戴惶懼之至謹奉表陳謝以聞

為崔相公謝門下侍郎表 貞元十四年七月二十七日 前人

臣損言審已無庸謬膺寵授昨所陳讓逼於懇誠冀全至公豈敢外飾黃閣務重非才實難墨詔復臨捧讀增懼臣聞惟君知臣任之以器惟臣事君量而後入生逢昌運自比可封之人職任 集作 台司難逃竊位之責三年待罪表章不敢累躋宸衷雖誓心畢命以竭微衷而折足覆餗其如公議無任感恩惶懼之至謹奉表陳謝以聞

代杜司徒謝平章事表 劉禹錫

臣某言臣伏蒙獎拔超踐鈞衡慮玷大猷昧死陳讓再奉  
嚴旨不令固辭恩厚命輕位高責重中謝臣聞天下安危  
注意將相處論道具瞻之地當總戎作鎮之權雖叶夢而  
求無聞秉鉞之寄登壇以拜不兼調鼎之榮授受命一作惟  
難伊昔猶爾况臣庸瑣類表作蒙警何以克堪陛下玄造曲成  
大明私照俾掌戎律復參廟謨寵光之命在臣已極毫髮  
之効於國何施謹當罄竭微誠奉遵至教仗天威以懾不  
順類表作類敷聖澤以遂羣生上分旰食之憂下塞素飡之責  
力誠不足心實念茲伏乞皇明俯賜照鑒臣恪居官次遐  
守藩維不獲伏謝彤庭陳露丹慊一作惻心存闕下同犬馬  
之戀恩身在淮濱仰雲天而結思一作恨無任懇悃屏營之  
至

代人謝平章事表穆宗

白居易長慶二年

臣稹言伏奉今日日制書授臣守本官同中書門下平章  
事者殊常之命非望之恩出自震衷加於九陋竦駭震越  
不知所為某臣誠惶誠恐頓首頓首臣伏惟近例宰相上  
後合獻表陳謝臣今所獻與眾不同伏惟聖慈特賜留聽  
臣伏聞玄宗即位之初姚元崇為宰相元崇欲救時弊獻  
事十條未得請問不立相位玄宗明聖盡許行之遂致太  
平實由於此陛下視今日天下何如開元天下微臣自知  
才用亦遠不逮集作及元崇若又僂俛懷安因循保位不唯  
恩德是負實亦軍國可憂臣欲候侍集無侍字坐對時便陳當



今切事下救時弊上酌君恩臣之誓心爲日久矣陛下許行則進不許則退進退之分斷之不疑敢於事前先此陳啓况臣才本庸賤遭遇聖明天心自知不因入進擢居禁署方以密謀恩獎太深讒謗並至雖內省行事無愧於集所心然上黷宸嚴一作聽合當死責豈意憐察曲賜安全螻蟻之生得到今集作自茲且超越流輩授以台衡拔於萬死之中置集作致在九天集作震霄之上捫心揣已審分量恩陛下猶不以衆人之心待臣臣豈敢以衆人之心事上皇天白日實鑒臣心得獻前言雖死無恨無任感恩懇款屏營之至謹奉表陳謝以聞臣某誠惶誠恐頓首頓首謹言

代王相公謝加門下侍郎長邑表

昭宗

錢璠

臣某言昨蒙恩命授臣某官等者今日日已奉表陳讓跪承批詔未賜允從方就日以傾心若履冰而舉足臣其中謝臣立朝一作身守嗣莫繼前脩學古入官敢期高位伏遇尊號皇帝陛下道惟樂育志在紹聞待河清而先靜化源致俗阜而深探理窟當乙夜縱觀之後啓輔臣夢得之休而遽以平衡授茲弱質頗乖庶政莫達大經何施作相之才但累知臣之鑒厭兵而五兵尚在唯恐人殘祈穀而百穀未升仍憂歲旱尋宜待罪已合避賢陛下慎以退人容於竊位兼廻睿睠遠正台階進當浴鳳之榮更懼惟鷓之刺况增封建俾重弼諧臣且自量則爲不稱是以陳辭瀝懇冀動天心拜章而方謂可安捧詔而未嘗得請尚希終

收渥澤遂寢典彛苟責實而有聞信假寵之非晚徇之公道寤主所圖受爵既多懼君恩之大盛省躬甚拙知官謗之必興負戴聖慈臣某無任感激兢悸之至

代崔相公謝加中書侍郎食邑表 昭宗 前人

臣某言伏奉今月某日制書授臣中書侍郎仍進封開國子加食邑二百戶者寵踰素分憂集微躬臣某中謝臣聞當可舉而後行則彛倫叙見有功而後進則勞臣勸如或行不可舉進不見功是謂謬恩實維一作難虛授臣學非練達質異溫良致身而敢望坐茵措手而寧期補袞嘗塵侍從且昧論思既無酒誥之能莫並食時之敏忽蒙聖造遽委化權佐運行而不應中台論燮理而未周四序何言處

澤曲被微臣纔叨正秩之榮兼進疏封之命戴恩無力臨

事知非將投盈篋之書寧用濟川之祗願迴玄鑒俯徇愚

衷致公器之無私在國章而克一作益重光昭一作克光聖德復

戒貪夫仰望皇私臣某無任懇悃激切兢悸之至

代史館王相公謝加食邑實封表 昭宗 前人

臣某言伏奉今月某日恩制加臣食邑實封若干者充位代天無名益地祗膺茂寵併集百憂中謝臣聞賞以昭其功典以載其事是為重柄用合大經苟功不足昭事非可載濫承休命實累皇猷臣謬執化權無裨袞職徒見容於君父每受責於神靈頃者陛下薄符近藩復興否運寬仁屈已神武去邪敢有惑於羣謀實無渝於睿斷寰區之內

耳目同驚此非臣齷齪之心所能匡替重圖反國艱若設  
都仗戎師以經營寄輔臣而鎮撫秦人載聚周廟克成千  
門旣啓於建章萬騎仍隨於司隸宸居後正懸法更高又  
非蒙昧之才所能施展荷玄一作景賦而寧參天力奉清光  
而徒和山呼無補艱難方懷慙懼詎謂聖慈忽被異數仍  
加賞優而欲舉何功典重而將言何事况乎真食允曰寵  
榮輕行於富庶之秋皆期必稱尚屬於艱難之日焉可非  
宜伏冀聖慈必收殊渥臣某無任仰望逼切懇悃屏營之  
至

代中書孫相公謝登庸表

昭宗

前人

乾元二年

臣僇言伏奉今月某日制命授臣中書侍郎同中書門下  
平章事者渥澤自天慙忝無地臣某中謝臣聞佐天子理  
陰陽撫四夷遂萬物者宰相之職也然而能經國則可以  
佐天子達化源即可以理陰陽善柔服可以撫四夷適方  
圓可以遂萬物今臣才非經國智昧化源不知柔服之謀  
未達方圓之道使之執政必致曠官伏惟皇帝陛下與天  
同覆與日合明有言必訪於藹堯堯有用必搜於林藪今者  
初當出符且欲興戎脩至德以弭災動神機以伐叛復亨  
否運昭告玄穹是宜慎擇賢良光輔睿哲臣志雖懋懋學器  
異混成但爲章句之徒莫應權衡之任陛下明恩委照聖  
鑑洞開拔於駁正之司置在仰成之地越諸彝典授以洪  
鈞空驚行潦之流忽載大川之楫遭逢獨異寢寐終疑願

迺非次之榮且降可行之命立朝在野必有其人省已捫心莫知所措臣某無任感恩荷聖兢懼屏營之至

代陸相公謝再入表

昭宗

前人

光化二年

臣某言臣昨蒙恩制除授中書侍郎同中書門下平章事今日面宣聖旨不令更有陳讓者臣聞虞舜成湯之爲君也舉臯陶伊尹之賢處補衮宰衡之任不仁自遠大道甚夷上可致君下可遂物相須之用古策具書獲彼寵靈且當燮理仰成之重內省至難披肝鬲之所藏冀封章之可達煩言無取睿睠莫迴親奉清光復傾冊懇讓不容於稽首進何務以沃心臣誠憂誠感頓首頓首伏惟尊號皇帝陛下濬哲守文高明立極廣好問則裕之美推任賢勿貳

之誠思舉直以化人待封比屋念偃兵而屈已欲拜昌言

是宜慎擇濟川博求在野並稷契之稱前代若姚宋之贊

本朝使竭謨猷以光輔弼臣器殊王佐質謝卿才常念立

身但希承嗣未曉必聞之政合居不急之官雖臨事秉心

如秤敢期於輕重而自天率性佩弦亦戒於因循頃者徒

幸遭逢且乖斟酌旣塵公餼果驗素飧旋叨就列之榮每

荷匪瑕之道今者忽流露澤又執洪鈞信夢寢一作寐之難

期詎著龜之可卜頃雖當軸竊類代庖是非誠畏於人言

去就敢違於君命中台不耀先慙箕斗之光元首自明何

効股肱之力銜恩匪稱揣分彌憂詞不盡於抽毫淚空知

於承睫負戴聖造辭莫能揮臣某無任感激榮抃屏營之

至謹言

代史館王相公謝監脩國史監鐵使表

昭宗

前人 乾寧四年

臣傳言伏奉今月某日制書加授臣門下侍郎監脩國史  
充諸道轉運鹽鐵等使者進當辨色動乏書恩寵光忽降  
於昭回循揣空知於殞越中謝臣聞可衛社稷謂之大臣  
有利國家是爲公輔大臣所以能經濟公輔所以竭訃謨  
儻昧於斯則同備位臣爲儒孤陋守嗣凌遲旣無稽古之  
勤止望易農之仕安敢苟求進達濫買名聲但任顛愚獲  
逢濬哲聯叨服冕遽至秉鈞而莫貢昌言多隳庶績復致  
宵方之難皆由失職之愆且合自拘敢期策免陛下克圖

知臣之鑒每推責已之誠雖罷燹調猶當節制捧彤弓而  
欲去尚抱憂心指金鉉以復留終迴宸睠輔相之委近代  
所無不才何補於股肱有感徒深於骨髓伏遇陛下勃興  
景祚丕變公朝掃蔽日之浮雲納投水之堅石應機之急  
當佇不違從諫之明轉圜未速仰觀奮發實在斯須聖政  
惟新墜章咸舉宜求耆碩共致承平今臣曲被睿慈仍加  
霈澤黃樞正秩青史專脩兼司運漕之權俾集牢籠之利  
屏躬承命俛首退思固合避賢唯憂致寇保其終始賜以  
安全陛下且許乞骸不令覆餗徇公爲理擇善任人幸非  
伯石一作安石非之情敢待召平之說且移盛寵別授通林顧  
叶澄清仍資庶富而近臣遽降一作近聖旨重臨難陳固

讓之辭唯勵恪居之志雖多言可畏垂絀續而有所不聞  
而內省堪憂補玄衮而何能自効臣某無任荷恩榮耀兢  
戴怔忡之至

校正一百三十二字

九月二十九日書潛記

文苑英華卷第五百八十一

文苑英華卷第五百八十三

表三十一

宰相雜謝

為宰相謝至尊為蒼生祈福表一首

為李右相謝上上考表一首

為宰相謝賜竹扇表一首

為趙公謝賜金石凌表一首

為盧相公謝恩并謝罷官養疾表一首

代賈相公謝賜馬及銀器錦綵等表一首

代武相公謝槍旗器甲鞍馬表一首

代武相公謝借飛龍馬表一首

代鄭相公謝賜戟表一首

代集賢崔相公謝賜官誥表三首

代宰相謝宣示白野鵲表一首

代宰相謝宣示白雀白鸚鵡表一首

代宰相謝賜布帛表一首

代宰相謝降朱書御札表一首

代史館王相公謝令樞密使宣諭奸邪表一首

為宰相謝至尊為蒼生祈福表 玄宗 孫逖

臣等伏見太常寺祝王璵奏陛下自臨御以來未嘗不四更已後夙興盥漱為蒼生祈福每遣公卿方士巡祭川岳祝文虔誠御札親署曾無一字自為聖躬伏請自今以後聖心徇物俯垂矜允下情獲展品物同歡伏以虞后已後

已後下鈔本空五格

但聞恭已周王吁食亦謂憂人未有精意妙門勤祈道實勞聖躬於夙夜移景福於蒼生遂以為常久而無倦肇自開闢未嘗覩聞雖覆燾之恩豈求報於芻狗而生成之類願効祝於封人天聽不違民心載悅况在臣等特荷殊私莫測神功空慙帝力無任忻慶之至謹奉表陳謝以聞

為李右相謝上上考表 前人

臣今日伏奉恩旨垂賜上上考并辭捧讀兢惶戰汗交集臣謬以庸薄久塵樞近承奉明命述宣聖謨罪戾猶多涓埃何補豈晤天心善誘宸眷殊常垂翦拂於德音踰涯越分降恩私於考績超等邁倫雖承含垢之慈終多覆餗之懼無任慙悚之至

爲宰相謝竹扇表

前人

高力士至奉宣恩制各賜臣等竹扇及聖贊疑作賴以器

用俯矜於煩暑博以文章更垂於光拂殊私備及自昔未

聞臣等輕生謬膺大任雖罄心勵節徒有慕於脩篁而淺

謝疑作薄材何足當於睿藻外榮天錫內愧御題善誘之

恩則深負乘之責彌懼何以對越休命奉揚玄風捧對兢

惶罔知攸措不勝感戴之至謹奉表陳謝以聞

爲趙公謝賜金石凌表德宗

權德輿

臣憬言伏奉恩勅賜臣金石凌并方及服法并金花銀合

一又賜臣蘇膏方及眼赤有瘡方其方皇太子書者鴻私

榮貺特發天心受恩拜賜慙怖交集中謝臣聞台司之任

茂遂羣生而攝衛乖宜自貽病疾理身未暇賦政何堪豈

謂上簡宸衷下矜賤質御方靈藥稠疊寵光劑齊和至精減

聖躬所服翰墨玄妙降皇儲之書仰光輝而陋日增明承

渥澤而沉疴自愈致金石之固通性命之和保持誨諭曲

盡慈旨蠲其煩滯授以康寧省已何功害盈知懼伏惟陛

下宣布大和則時無疵癘懋建大中則物以阜安生及昌

期自登壽域况臣劣薄待罪樞衡感平施而已深荷殊榮

而難報雖陰陽不測犬馬之疾頓瘳而日月無私螢燭之

光何補生成覆露皆稟睿慈竭力致命豈申愚效無任感

恩惶懼之至謹具表陳謝以聞貞元九年六月九日

爲盧相公謝恩并請罷官養疾表德宗

高郢

一作



臣邁言今月十四日以在假百日進狀上聞某日中使某奉宣進止令臣在家將養損日朝參者力疾受恩慙懼交集中謝臣病滿百日法當罷免恩自九天優以賜告伏念手足餘疾運用未平風毒常作療除多乂臣今若卧叨厚祿坐待全瘳豈惟日月易淹實亦恩私過幸且台輔爲任周行所瞻臣匪服以居既貽官謗沉痾不退又廢公法夙夜循省心愧靡寧雖宸慈曲臨有所不忍而王道平施則惟無私臣旣內懷尸曠之慙外迫支體之慮竊恐所攻非一望損彌遠徒闕遵常之典增延憫下之仁如蒙特恩俯遂微懇得從解紱專一就醫則冀形蒐兩安物議皆息全度之澤於此爲深無任感恩之至謹奉表陳謝以聞

代賈相公謝賜馬及銀器錦彩等表 權德輿

臣眇言今日中使某奉宣進止以臣所進關內隴右圖錄十卷特賜馬一匹并銀瓶盤等若干事錦彩等若干疋者承命抃舞震驚失圖伏以聖朝覆幬無私聲教遠被雖夏書禹貢周制職方重譯所通未若今日臣以末學舊奉昌期常好地理之書頗知河湟之事明徵舊史博考傳聞夙夜以思歲時遂久紀諸文字績以丹青上塵聖聰庶備方志豈謂睿慈弘獎寵賚特深出珍華於內府下駟駿於天廐恩榮所及煥麗相輝循顧庸虛曲承蕃錫負乘匪服併切於今無任瞻恩荷戴之至謹奉表陳謝以聞

貞元十四年九月

代武相公謝槍旗器甲鞍馬表 呂溫

臣元衡言今日中使某乙至臣宅奉宣聖旨賜臣槍旗器  
甲鞍馬并錦彩等禮殊其數物備其容肅以將威煥以昭  
寵雲澤濡體天光照門抃駭失圖兢惶罔據臣某誠荷誠  
感頓首頓首臣才無可取進不因人陛下憐其小心知其  
盡節特紆宸睠謬委台司匡補之益無聞將明之効靡著  
方俟嚴譴集作蒙忽被殊恩寄重西南任兼中外封開太郡  
秩正黃樞登壇於六符之階被袞為三軍之帥今古盛典  
盡在茲日人臣寵貴併集作舉集微躬豈臣孱庸所克負荷  
非臣殞越所能上報重錦名馬玄甲朱旗王事靡盬儼有  
行色天顏咫尺忽當遠離感戀彷徨拜受涕泣集作咽拆衝  
分閭媿非式遏之才榮耀一作耀自天猥辱專征之賜無任  
感恩激切之至謹奉表陳謝以聞

代武相公謝借飛龍馬表 前人

臣元衡言伏蒙聖慈借飛龍馬若干匹至京兆府界首者  
臣謬處台司將明薄集作無効自忝方任恩禮特加獎諭綢  
繆寵錫輝煥寒衣病藥悉出聖慈匹馬一人咸經御選遠  
覽圖史近徵耳目如臣蒙幸未見其倫實有何功敢當斯  
遇盡節竭誠在臣子之本分殺身致命報君親之常道竟  
將何力上答殊私空保丹誠以致灰粉王程靡處天駟言  
旋仰服阜之有期恨違顏之方始精蒐自越顧步莫留權  
竒之姿向雲闕以驥首集作獨去悃欵之戀與星影而共馳瞻

望天庭罔知所措無任感戴彷徨之至謹奉表陳謝以聞

代鄭相公謝賜戟表

見六百一十八卷

前人

代集賢崔相公謝賜官誥表

錢珣

臣某言伏蒙聖慈賜臣某階某官食邑若干戶官誥一通者臣其中謝臣伏以周官所建冢宰是先進階陛之名增并賦以數重在彝典合為渥恩冒寵以來偷安而處不能退讓方懼滿盈詎謂陛下每顧舊章必加優禮雅誥既垂於綸綍侍臣忽降於宮闈五彩相鮮且成文於潤飭萬鈞比重幾無力以捧持聚族咸觀省躬何稱遭遇莫酌於君父寶藏空戒於子孫竊視權衡惟思砥礪臣某無任感恩荷聖激切惶越之至

同前

前人

臣某言今月某日賜臣某官誥一通者臣某中謝臣敢謂皇慈仍加霈澤固讓而丹誠莫遂退思而玄造寧酌今者特降近臣一作異恩遽臨私室琅函乍啓捧持空耀於微躬寶軸載觀燦爛仍驚於衆目榮光併集舒卷不遑難勝黼黻之文何補燮調之任唯當千慮以荷一作濟萬機見可而進之謀知無不為之力用禪至理庶奉休期仰戴聖慈臣某無任省已感恩之至

同前

前人

臣某言臣先蒙恩命授集賢殿大學士今月某日中使至忽承霈澤降自重霄再披五色之文若戴千鈞之重臣某

中謝伏惟尊號皇帝陛下求衣待旦側席視朝方致理於  
雍熙每仰成於輔相臣自慚竊位唯懼曠官未獲避賢何  
堪假寵爰驚瑣質更被鴻私提玉鉉於中台已憂公餗總  
石渠之秘署兼及一作集羣才當文德之大朝實名儒之大  
任今者遽頒雅誥益示皇慈兼命王人且臨私第琅函乍  
啓光凝紫府之烟寶軸潛舒潤帶金盤之露空知焜耀無  
報睿明臣某無任荷聖感恩兢懼之至

代宰相謝示白野鵲表

前人

臣某等言今月某日高品張師道至奉宣聖旨示臣等涇  
州所進白野鵲者臣聞白爲正色鵲實靈禽在五行而賦  
稟金精於衆鳥而有殊羽族臣某中謝伏惟尊號皇帝陛  
下應上天之道必順五行遂萬物之情非徒衆鳥宜獲降  
祥之類以昭致理之心是以素翼流光丹眸耀衆俄呈瑞  
質能弄好音應圖謀以自來詎網羅之所得諸侯入獻史  
氏明書寧同集樹之鳥堪並紀年之雀方開景運實契禎  
符臣某等謬贊皇猷竊觀神規無任賀聖歡抃之至

代宰相宣示白鵲白鸚鵡表

前人

臣某等言今月某日高品張徒一作從羽至奉宣聖旨示臣  
某物者至化無私殊祥畢萃旣光史策允叶元符臣某中  
謝伏以西方主白金氣應秋故靈禽類見於塞垣玄貺實  
招於人事遂使載飛之類皆呈受彩之姿以物窺天知天  
感聖犬戎柔服必無犯於西方禾黍豐登將有成於金象

一作假慈毛羽降彼藩隅既來獻於帝居獲同觀於公府  
何能翼戴徒荷休明臣等無任舞詠聳抃之至

代宰相謝賜布帛表

前人

臣某言今月某日中使某至奉宣聖旨賜臣布一千疋絹  
二千疋者臣某誠哀誠感頓首頓首臣災集衰門禍貽諸  
父執禮既循於經典成喪將服於冠裳何言臣子之情必  
軫君親之念近効承命飛星忽降於重霄寵數有章束帛  
載頒於內府哀榮曲被跪受難勝上感聖慈臣無任涕泣  
惶越之至

代宰相謝降朱書御札表

前人

臣某言今月某日中使某至奉宣聖旨頒示御札以貶黜

張道古事更令申誥中外者聖旨昭垂羣情胥悅臣某中

謝臣伏念元和中一作吏部侍郎韓愈因陳佛骨遂拜封

章以爲前古奉佛帝王年代尤促憲宗以人臣去就乖忤

非輕震怒所臨遂竄荒裔憲宗英主韓愈名臣典記可行

事無不順今張道古狂愚一作所獻斥犯非常凡曰在庭

皆知難恕深弘睿哲且欲含容雖匿瑕之道則然於犯上

之名斯重臣等請行譴逐陛下尚顧物情宸翰所臨皇言

曲被盡賀爲君之盛咸知六德之能捧戴聖慈如親丹宸

臣某等無任銘篆兢越榮感之至

代史館王相公謝令樞密使宣諭奸邪表前人

臣某等言臣嘗讀漢史竊見上官桀桑弘羊皆惡霍光之

忠於王室也欲奪其權遂詐爲燕王上書言光將有非常之變而昭帝知其詭詐欲害賢良顯發怒言保明元輔識者以爲漢昭之聰睿遠過周成臣等每閱其書實感其事以爲後代不復有之今日某日獲延英奏事親奉聖言且以陛下深懼艱屯欲清教化寤亂階於前事窮蠹本於小人既以一作誅鋤方期屏絕而常有技術賤微之輩班行險躁之徒潛結詭謀輒投邪隙且相援引遂有譖傷間諜滋深根株甚鉅而聖心不動睿鑒有融盡辨讒諛靡容交亂致臣於不疑之地知彼有禍人之心且赫揚於斯必令懲革觀於左右未杜奸邪臣等且懼且驚載思載感還至公府未知所安樞密使某等又至中書備傳睿旨伏知是奉遂劉達等共謀推薦李潔秉政因此大惑天聽君臣之所難聞乾坤之所共棄有李遂之奏肆志巧言而陛下不以爲疑祗以爲恕凡所布諭必盡洪纖某等復宣陛下之言不惟保任臣等兼欲擊斷此輩彰明我心臣等稟命而思激情以泣自有邦國誰一作無君臣今此讒邪忍施陷寤密構於一夫之口何術可知潛行於萬乘之前何人敢辨雖陛下察之不惑隱之不言有此釁端加於輔相臣之寤寐將至驚狂一旦親奉堯言俾行漢律使罪人斯得餘一作纜一作除讒自安復使微臣必無他慮食駃騠者未足爲德喻媒蘖者未足爲辭李遂輩擠臣於不測之谿陛下賜臣以援溺之手誣臣以難明之罪陛下諭臣以必信之言彼昭

帝之時漢家方盛霍光之辨且有詐書今李遂得於艱否  
一作之朝進傾危之計宸聰之外孰可得聞一作則臣等  
塗汙一浸江漢難濯歿為野土誰為叫閭不有睿明焉知  
昭釋感入骨髓誓諸神祇千拜首以何為一剖心而始足  
惟當竭誠啓沃教力弼諧盡毀家紓難之謀繼圖國忘身  
之策尚疑丹烟未答皇私荷聖感恩臣等無任抃蹈兢慄  
涕泣屏營之至

校定六十五字

九月三十日

文苑英華卷第五百八十二

文苑英華卷第五百八十四

表三十二

藩鎮謝官一

藩鎮謝官表四卷英華所編失年代先後今正之

為西川崔僕射謝却赴劍南表一首

為夔州栢都督謝上表一首

為崔鄴公謝除鳳翔節度使表一首

謝除浙西節度使表一首

代郭子儀謝副元帥河中節度使表一首

代郭子儀謝蕙河東節度使表一首

為陳大夫謝上淮節鎮表一首

湖南觀察使謝上表一首

為荆南節度使謝恩表一首

為鄭儋尚書謝河東節度使表一首

為裴相公謝淮西節度使表一首

為馬摠尚書謝除彰義軍節度使表一首

河南節度使謝上表一首

謝除宣歙觀察使表一首

為昭義王大夫謝知節度觀察等使表一首

為安平公謝除衮海觀察表一首

為西川崔僕射謝却赴劍南表 于邵

臣某言自中使馬承信送臣却至所部漢州廻監軍中使

孟遊仙等續發北面并天南旋舊鎮望九門而彌遠顧三

蜀而何情如丹之心具列前表庶明臣子之分以期君父

之知臣某謝中臣四度興師每冬獻捷願將邊事親迎宸聰

比恐三軍阻臣行計潛裝密辦亦既經年上都贏糧傍路

支費事皆前定誓衆遂行日望京關一作闕天威咫尺豈知

時乖運末屬彼外虞徵發之期指縱又切進退難處彷徨

以還有心未明有口猶閉若撻之耻空思於堯舜戀生之

誠陪慙於犬馬臣知衙一作從事官王所傳遥自經驅使積

有歲時言行為一作惟臣腹心當今切務具如別

狀悉令密啓遠達由衷伏乞聖慈俯廻神鑒仍賜容納許

以畢辭天下幸甚天下幸甚其有不載文墨更令附口奏

聞皆是剗心所陳豈為憶一作臆中之說倘可裨補雖死猶

生區區赤實敢希萬一臣以今月某日却至成都乞整齊



戎事即赴行營兩藩動靜續冀聞奏衆星微象長拱北辰  
勺水細流盡朝東海惟臣不及飲恨何言無任感戀屏營  
之至謹奉表陳謝以聞

爲夔州

集作府

栢都督謝上表

杜甫

臣某言伏奉今月某日制授臣某官臣祗拜休命內顧殫  
越策駑馬之力冒累踐之寵自數助力萬無一稱再三怵  
惕汗流至踵謹以某月日到任上訖臣某誠戰誠懼頓首  
頓首死罪死罪伏惟陛下以君父任使之義掩臣子不逮  
之過就其小效復分深憂察臣劔南區區恐失臣節如彼  
加臣頓煩階級鎮守要衝如此勉勵疲鈍仗揚陛下之聖  
德愛惜陛下之百姓先之以簡易間之以樂業均之以賦

歛終之以惇勸然後畢禁將士之暴弘洽主客之宜示以  
刑典難犯之科寬以困窮計無所出哀今之人庶古之道  
內救惇獨外攘師寇上報君父曲盡庸拙之分下循臣子  
勤補失墜之日灰粉骸骨以備守官伏惟恩慈胡忍容易  
愚臣之願也明主之望也限以所領未遑言集作謂對無任  
兢灼之極謹遣某官奉表馳陳集作陳謝以聞

爲崔鄴公謝除鳳翔節度使表

臣某言伏奉去年二十八日恩制加臣鳳翔尹仍克本府  
及秦隴等州節度觀察使伏以才淺過深者敗公之本力  
微任重者職禍之由况鳳翔天京四方取則使增廉問千  
里準繩苟非其人是速官謗前已再三懇讓實冀陛下矜

臣不逮察臣無能忝侍朝廷獲保衰朽豈意堯曦下屬舜澤旁流存降殊恩不許固讓恭承寵命感懼交懷臣某中謝伏惟陛下德耀三光勲崇萬古彝倫式序庶績其疑臣本愚才素乏籌畧謬膺任使累踐殊班顧無毫髮之功叨預丘山之寄今鳳翔近甸秦隴雄藩北有党項之虞西有羌渾之患或阻絕我道路或侵軼我封疆王師出征則鳥散山谷官軍罷討則雨集郊圻臣雖不才庶竭孱懦必將勸分務穡訓卒利兵操勦除凶殘式遏寇讐使黎元無俶擾之患里閭無暴殄之災下傾百慮之愚上補萬分之一臣無任

謝浙西節度使表

肅宗

顏真卿

臣真卿言伏奉六月九日恩制以臣爲昇州刺史克浙西節度使兼江寧軍使聖德含弘不遺簪履拾其罪戾假以麾幢感戴恩榮死生知報臣某中謝臣以爲全吳舊國分閩重權煮東海以自資塹西河而作固九州天險之地六代帝王之都是以魏文興嗟甘從南北之限符堅恃衆集作怙爰喪百萬之師豈不以形勝是先腹心斯切親賢重寄鎮遏攸難矧在庸微寧堪及此是以拜命之日以榮爲憂制書以今月四日至饒州臣以今日發赴本道取都統節度觀察使李坦坦分訖即赴昇州即當繕修甲兵撫循將士觀察要害以備不虞假陛下英武之威遵陛下聖集作平明之理一心戮力上答天慈伏惟陛下察臣愚衷集作忠則死

且不朽無任感戴屏營之至

代郭子儀謝副元帥河中節度使表 代宗

邵說廣德元年

臣某言伏奉今日日制授臣河東副元帥河中節度使寄  
深匡輔任切安危寵命過臨憂惶如灼臣某中臣智術凡  
淺才畧無聞承日月之光偶風雲之會自奉先帝徇以驅  
馳被甲即戎載罹寒暑比憑朝筭克振天聲雖毫髮之功  
曾無足紀竟不能掃蕩妖孽使八方攸同謬踐中樞仍叨  
上將分茅錫土社榮貫一時悽悽之誠竊自增愧今又猥蒙  
驅策出鎮河中授臣以連帥之權委臣以專征之務雖才  
輕方邵而任比桓文此陛下除奸之時乃微臣死難之日  
竊觀自古忠義之士莫不扶危救禍憂國忘家雖在暮年  
猶思報主則庶頗強飯馬接據鞍以臣方之有甚前哲軍  
國重事不敢固辭誓竭股肱之力以副腹心之寄倘皇猷  
獲展寇難克平殞身戎行實無所恨無任感恩

代郭子儀謝兼河東節度使表 代宗

臣某言今日日奉伏恩制授臣使持節都督雲州一作中

諸軍事兼雲州太守克河東節度支營田大使大同軍使

管内採訪使祗拜休命內揣薄才委任專崇周章失據一作

周張臣某中謝臣聞邊之安危係於所用事之成敗諒在先

謀故寸璧必求良工尺錦亦資善製况夫謀無智勇備列

戎旃自守封疆頗淹歲序肅將朝筭一作剪滅兇徒此乃

黃六

天功匪惟臣力陛下不遺犬馬念以驅馳收其分寸之勞  
加以丘山之賞禮因位重恩與日深長恐顛危不克負荷  
所以非有疑陳讓乞停范陽而手詔曲一作榮垂不蒙允許  
退就私室竊愧明時素食之詩自臣攸作今又更承獎命  
兼以河東邊境相連三千餘里烽燧列警斥埃須明雖則  
居安一作安寧終資有備以臣獨制謂必無失然以能颺一事  
身任一官猶擇其人且懼曠職况臣旁縮三節控帶數藩  
智有所不周心有所不及兵權倘失奔駟寧追實慮授受  
乖宜簡書是畏望時矜臣不逮察臣愚謏更選良能付以  
旄鉞則樵夫絕議官序有倫臣無任

為陳大夫謝上淮南節鎮表

代宗

劉太真

太歷八年

臣某言今月二十日中使輔懷恩送告身至伏見一作恩  
副特加臣銀青光祿大夫揚州大都督長史充淮南節度  
使仍封潁川縣開國子一作男食邑五百戶者臣以駑駘賤  
質葵藿愚誠謬荷深殊一作殊恩頻膺重寄一作移日月私照兩  
露曲霑負戴不任兢惶失措臣某中臣自遠辭天闕恭守  
海隅思陛下臨御之勤竊整愚衷蹇拙之分所恨智慮不  
及績用無成一作罕豈望陛下知懇款之不渝將織毫而見  
擢特超階序俾易旄錫以開國之封授以臨戎之節由  
江南一作浙之遠鎮踐淮表之名藩且地在要衝職名一作居  
分閫副茲統理豈易其人臣亦何功忽當此任仰膺休命  
難叨覆載之榮伏省微躬實積負乘之懼臣即以今月二

十五日發赴揚州其浙東使事已差觀察使殿中侍御史  
盧翰權知留後無任感戴戰越之至一作皆唐類表

湖南觀察使謝上表 戰聚 王仲舒

臣某言臣以某月日到本部上訖榮如夢中不敢自信臣  
某誠懼誠懼頓首頓首臣頃備位省官孤特無與自堅內  
志不近權門逞憾者以陰計中臣伺其鎮沛而臣位從懼  
進身自危安陛下之保臣也陛下開張至道以福群生長  
人之吏必以歲久課其能否定為差等一作疑作無倖  
人獨臣領常州一年超居近地陛下之私臣也臣當此時  
不能稱揚隱晦以納聖聰一作聰聰論列奇計以靖封畧使下  
有勝臣而未用者邊有戰聚而偷生者是臣負陛下之知

也况今方隅之任得其人則聖慮安失其才則衆情苦斯  
位不細惟賢者宜之臣前官已曠後恩逾重公議難追殞  
越是憂謹當日用皇慈下求利病鎮浮惰之俗杜奸邪之  
萌冀其小康上簡天府臣之心也敢有二事不勝感恩戀  
闕之至 一作皆唐類表

為荆南節度使謝恩表 前人

臣某言中使某至奉三月二十五日勅除臣江陵尹兼御  
史大夫荆南節度觀察處置等使者如綸炳然中天而下  
伏讀惶駭不知所裁臣某誠懼誠恐頓首頓首臣既無老  
謀又無壯事塵玷重位前後六年將陛下覆幬之仁煦嫗  
羣物所至之士方獲小安如日照臨人共知見敢盜以為

已功况文昌六星將帥為首非全才碩德類表作畫未嘗苟居

陛下睿慮神行雄威電斷將付斯任尤精其人過量之榮

臣獨虛授類表作臣實虛授若在夢寐不敢自期即以今日祇命

上道臣團練判官太子舍人兼侍御史楊洽類表作暢怡久更

吏塗兼練戎事謹差專領留務待李衡交割不勝感恩忻

躍之至謹奉表陳謝以聞

為鄭儋尚書謝河東節度使表德宗令孤楚貞元

臣某言衙官竇及廻伏奉十月二十九詔書授臣朝散大

夫檢校工部尚書兼御史大夫太原尹北都留守充河東

節度度支營田觀察處置等使勲賜如故者寵章明命忽

降自天捧受兢惶不知所措臣某中臣謝性稟本一作愚懦才

薄劣居常勵已進匪因人心無所營宦不期達伏蒙陛下

旁羅俊乂登用賢良擢臣於博士之中授臣以良史之任

其後驟昇郎署猥在朝行塵忝日深光耀隆一作輝已極徒思

報効未有因緣旋屬邊上選能軍中乏使特蒙宸眷遣佐

兵符空知徇公無以稱職望帝城而積戀倏已四年馳戎

幕而懷憂若臨千仞本使李說暫嬰疾苦奄從薨逝伏以

天威遠被廟畧克成將士等盡忠義之心竭恭敬之力保

完府庫鎮定城池奸宄不生三軍如一軍一作監使李輔光

器能周敏智識通明與臣同心祇奉王事豈意殊常渥澤

忽出於宸中不次榮名併加於朽一作賤質仰承雨露使一作

便在雲霄跼影兢覓心驚股戰進非所據懼不自勝臣伏

以太原守在北門地方千里豐沛故壤陶唐遺人合求勲  
賢膺此委用如臣山東弱植海內散材非卻穀禮樂之資  
無翁歸文武之用將何以佩六官之印綬平三府之憲章

節御制一作萬人典司百事天庭高邈陳讓無由感恩而涕

下露襟一作忍愧而汗流浹背謹以三日上訖敷陳一作

天意叶暢軍情綸言一宣列校相慶臣誓當恭承睿筭虔

奉聖慈以安人和衆為心用報國忘家為志冀伸分土

答聖明所守有限不獲陳謝臣無任感戴屏營之至一作

表類為裴相公謝淮西節度使表憲宗 馮宿元和十

臣度言伏奉去年七月二十七一作日制書除臣門下侍

郎同中書門下平章事克淮西節度觀察處置等使蔡州

刺史并淮西宣慰處置等使緣逆賊吳元濟尚拒王師遂

於郟城縣權為理所臣篤勵群師潛設多方傾其重兵頓

在洹曲今月十七日唐鄧節度使李勣承虛直進生致元

亮臣與賈柵三營諸軍便降洹曲三萬餘衆積年逋寇羣

日殄除淮右千里通行無礙臣以二十五日領所部兵馬

及歸順將士至蔡州上訖豺豕舊穴一作迎風而汛掃烏梟故

林應節而黃洛一作督督者咸觀堯日嶙嶙者重識漢儀臣以

不才猥當重寄力一作排苟且之議上贊聖明之心不敢

偷安廟堂遂期親臨疆場陛下初猶未一作許微臣亟請

是行睿旨丁寧寵光照耀臣中心自警一作畢命無憾若不成

張興

事必當死綏伏賴神道惡盈罪人斯得而今而後方保餘  
生就天地削平之功貽策書不朽之美是使懦夫增氣獷  
俗剗心方偃武以脩文故斃勞而永逸臣謹敷揚帝澤宣  
布國章滌其瑕疵衣以襦袴俾斯汚俗咸若新邦底寧但  
以才一作某乏折衝任兼中外摩頂至踵諒無非其渥恩知  
臣者君庶不辱於玄鑒無任感激忻喜之至其承薦人自  
代具於別狀

為馬摠尚書謝除彰義節度使表

憲宗

前人

臣某言臣今月某日中使某至伏奉九日制書除臣工部  
尚書兼御史大夫充彰義軍節度觀察廳置等使并賜官  
告一通旌節一副及手詔等雨露恩覃霑霑易及丘山旌

重負乘難勝臣某

謝中

伏惟睿聖文武皇帝陛下文教暢三

台武功加四海最爾淮寇久稽靈誅蓋懷捨服之心不以  
虔劉為事既已統之上將撫以中台臣實妄庸獲克貳職  
誠無裨補亦備沾危頃來面辭密奉天旨以為此道必付  
微臣蒼黃受恩屢俛從事幸擒元惡曾未踰時果復聖言  
遽承寵命彩章五色虔奉璽書賞罰二權猥操兵柄鴻私  
荐及蚤力何堪即以今月上訖臣伏聞師之所處荆棘生  
焉今管内數州凋殘極矣遍郊骸骨比屋瘡痍謹當扇以  
皇風施之帝澤俾汗浴遷善頑人嚮方知無不為敢竭微  
志事有未便即當上聞徒以跡遠闕庭戀深阜棧鑿門授  
鉞空愧于茲執贄奉璋未知何日臣無任



河陽節度使謝上表 憲宗

令孤楚 元和十年

臣某言伏奉前月二十七日詔旨授臣朝議郎使持節懷

州諸軍事守懷州刺史御史大夫克河陽三城懷州節度

使寵任非常臣營失次已再奉表陳謝訖臣某 中 臣器質

庸懦材能駑下文詞小枝不足飾身軍旅大權未嘗措意

頃者叨居近密親事聖明選擢 一作 皆出於宸衷遭逢似

一作自 又作偶 協於昌運進每憂國退常樂天曾不知操舟者忌

臣及津執轡者畏臣先路雖皎皎下燭見一心之無瑕而

營營謗興扇十手以相指去秋方半已出嚴扃今夏正中

又離禁掖伏惟睿聖文武皇帝陛下恩深君父德厚乾坤

憫棄席之恩軫遺簪之念微臣自臨關輔恭守章程非官

辦而政成幸人安而事集既無罪悔亦望歸還豈意便昇

疆場 一作 超授鈇鉞再麾飄飄而出手十乘隱麟以啓行

荷委寄而誠深若離違之稍遠就日積戀瞻天靡遑拂儒

冠以自驚對朝服而增歎 一作 以今月十四日到本鎮上

訖伏以郡稱河內山倚太行古為雄藩今魏要地但緣瘡

痍未復杼軸已空力欲輯綏曷由振舉謹當拊循羸卒字

育疲氓橫征擅賦誓不為 一作 峻法嚴科議不用與之休

息使得便安以此執心期於報德前臨河 一作 瀆羨朝宗

而指期仰觀衆星俟 一作 拱辰而何日所守有限不獲指

闕辭讓無任感激 一作 攀戀涕咽之至 一作 唐類表

謝徐宣欽觀察使表 穆宗 前人 元和十年 五年

臣某言伏奉今日日制書授臣宣州刺史兼御史大夫克  
宣歙池等州觀察處置等使者命自類表九重恩加一介  
兢惶感惕無地自容臣某中臣本以凡才從來孤立謬居  
要地常積憂危頃者陛下嚴奉園陵孝思弓劍微臣職當  
營護理合勵精而昧於隄防誤有任使既招牒訴合抵憲  
章豈意類表陛下恩過生成念深眷履寬朝廷之典制委  
藩鎮之賦輿飛魂再還戰汗交集誓當飲水食藜鏤骨銘  
肌冀申絲髮之効上報乾坤之德不勝感恩惶恐屏營之  
至

為昭義王大夫謝知節度觀察等留後表 前人

臣某言中使第五守進至奉宣勅旨擢臣知節度觀察等  
留後臣即以今月十八日上訖非常之命降自宸衷不次  
之恩猥加賤質奉戴兢惕罔知所圖臣某中臣內顧孱庸  
素無器業量力揣分委質戎行身居將列朝絕親授不識  
公卿之第粗聞宰輔之名雖學孫吳未知七德之要嘗師  
顏閔不究六經之旨愚惟守直訥未近仁遠瞻等夷每愧  
劣薄苟求寡過之地竊慕事君之道束髮筮仕逢盛時以  
自怡執心許國遇暗室而增懼臣之愚素敢忘恩榮頃以  
陪臣獲隨覲見此辭璫陛瞻覩天顏遂因頒慶竊膺寵錫  
自謂生足榮矣死無恨矣豈意聖慈煥發睿獎曲成拔自  
轅門寄之藩閩泊天心特達因屈朝章而人望乖疎必速  
官謗內念惶灼浩無津涯且上黨重鎮赤狄遺人師旅荐

與風俗難理猛則生怨寬不知恩隣接強暴地當關塞加之以仍歲災沴不足以兩稅徵科軍政稍垂壓覆是懼臣雖竭股肱之力瀝肝膽之誠不知何以上答乾坤少裨塵

露云

為安平公謝除充海觀察使表 李商隱

臣某言今月某日中使王仕岌至奉宣恩旨改授臣某官并賜臣前件告身一通者寵命天臨恩光春煦兢惶無措抃蹈失容臣某中臣幸逢昭代本自諸生文以飾身學實為已寧韞玉而待賈竊運甕以私勞春園再中於明經天官一昇於判第階級甚薄際會則多芸閣讎書藍田集作作史中間因依知己契濶從軍其後超屬憲司驟登印

埋輪而出高懸

集作慙

八使之威起草以居遠謝三臺之妙

每含香而自歎常樸被而待命

一作行

伏惟皇帝陛下陶鈞

庶彙亭毒萬方憂心同堯好諫若禹東掖垣內封章何有

於日間青鎖門前列位徒參於夕拜擺波濤而鯢鱗纒變

望煙霄而鸞翻初高誓將竭誠非敢仰望然虛受難處忝

擬非安忽擁隼撫竟辭龍闕猶賴雲日未遠闕城不遙虔

奉國章粗免官謗豈意便昇亞相之重

集作班

秩復委大藩

之廉問魚牋帝語象軸神工拜受而若捧千鈞伏讀而如

聽九奏誠雖深於負荷戀實切於違離况曲阜遺封導河

舊壤列九州之數帶五嶽之雄古為詩書俎豆之鄉今兼

魚鹽兵革之地訓整合資於武幹櫛循宜屬於柔良豈伊

孱微堪此委寄謹當冰霜勵志金石貫誠駑馬奮十駕之  
勤鉛刀淬一割之用即以今月二日雪泣西拜星馳東下  
京城思入雖有類於陳咸關外耻居安敢同於楊僕無任  
瞻天戀闕之至謹附中使其奉表陳謝以聞

按三九十七字

九月三十日

文苑英華卷第五百八十四

文苑英華卷第五百八十五

表三十三

藩鎮謝二官

為濠州刺史王弼謝上表一首

為福建李中丞謝上表一首

為柳州鄭郎中謝上表一首

刺史謝上表十六首

為濠州刺史王弼謝上表

李邕

臣某言伏奉某月日制除臣濠州刺史聖澤天臨寵章霞

燠煥身微草芥地疑作

施

重丘山臣某

中

謝臣某言奉詔字人星

言即路三省不及二過有懷棄短之恩竭力難負悔非之

感瀝血未申申以某月日到州上訖臣履冰誓心飲水銘骨

勵精爲政刻意求仁實望昭發宿誠宣揚大化上酬天地之德下盡臣子之忠臣萬死足矣

爲福建李中丞謝上表

于邵

臣某言臣以二月二十四日特奉渥恩授臣福建都團練觀察處置等使福州刺史兼御史中丞某月二十九日與中使某南北路分即以今月某日至所部上訖感戴踰涯跼天增懼臣某誠惶誠恐頓首頓首臣聞度材任器論吏底祿三代所以直道而行迭相沿襲未之易也伏惟皇帝陛下聖謨廣運光宅天下德澤遐溢蒼生海隅至若閩越都會東南重鎮爰思俾乂宜者甚衆則中外咨謀孰非俊選豈臣薄劣一無所取超獎不次特稟震衷是以前表上

陳披肝布懇自茲夙夜不遑底寧况今右武之狀

疑作先

資輯睦安人之切又藉綏懷貢賦不差於時蠻夷得令安堵惟是四者之備皆臣之職分也誓將克勤竭力處約勵心日宣皇化以展微誠無任忘軀報國之至謹遣某官奉表陳謝以聞臣某誠愛誠懼頓首頓首謹言

爲柳州鄭郎中謝上表

李商隱

臣某言臣伏奉某月日制書授臣某官即以今日到任

上訖臣某

謝中

臣緒承舊族師事通儒萬里成功雖無壯志

九夷不陋庶慕前蹤二紀蠻陬三提郡印惟貞苦節以奉

休辰牙管一雙未嘗關慮

集作

竹書妻兩何敢輕懷渭水

之陰弊盧斯託每還初服常懷上農今者又即殊方復臨

雜俗固蒙聲教終遠文明謹當宣舉一作詔書撫安縣道  
媒官學舍畢納於人倫畜蠱帶牛盡移於地利至於因遐  
弄法挾遠生情縱漏嚴科必貽陰責山蕙象縣江帶龍城  
撫以跼天敢忘玄造舉頭望日何處皇居憑宵夢以銜誠  
託歸飛而結懇無任瞻天戀闕之至

淄州刺史謝上表

李邕

臣某言伏奉某月日恩制除臣淄州刺史以今日日便道  
至任自遠江左近守河南收弊死灰建置生路別荷成造  
冀冀昇遷升三慶集身百齡踰外中臣聞天地大德含育及  
於昆蠱雨露深仁霑濡及於蕭艾不限微品有愧洪鑪  
臣之謂歟伏惟陛下道揔三才在璿齊政運超四孟與

為春玄造加於萬方聖慈周於一物子人開化議事立權  
張皇連城勸勉犀岳身同京職承祿賜之恩榮子預選曹  
廣門問之惠澤是以龔黃蓄銳卓魯專精一作竭盡公忠  
弘宣績用但駑駘之力不足以騁長衢朽木之資不足以  
施直長桷徒遷厚祿無益聖朝撫事捫躬慙魂跼影伏以東  
臨巨壑借渤海之水寬西望京師就長安之日近

岳州刺史謝上表

張說

臣說言伏奉四月十有二日制書除臣岳州刺史某月二  
十七日遞集作書到相州承恩惶怖狼狽上道以月一日  
至岳州上訖臣以昔侍金華過蒙榮寵負乘招寇日待譴  
黜一作短日聞聖慈遲迴仍委符守刻肌刻骨誠願上報恩私

無術無才將何克宣風化夙夜慙惕胡顏集作啓處伏以  
貶官到任理在速聞不敢循常稽緩附使無任荷恩競懼  
之至謹迺表陳謝以聞

荆南集作謝上表

前人

臣某言伏奉二月一十五日制書除臣荊州大都督府長  
史拜集作命荒服浮舟過泝以今月十七日到州上訖山  
列楚望水橫南紀德非羊祜迹謝宋均何以鎮靜流亡攘  
除猛虺臣某中臣宿濫宸眷累塵榮獎福過生災至剛多  
缺及一辭庭闕已涉五年不有自白之書竟無因人之請  
天光獨照雲霧頓披穹鱗更躍鍛翻仍翫揣分瞻恩何階  
及此媿乏才能集作不足宣暢皇風敢竭心力少冀上酬

玄造無任欣抃兢惕之至謹附送丁匠資使所部文林郎  
守公安縣主簿封希魯奉表陳謝以聞

武州刺史謝上表

于邵

臣某言伏奉今日日制除臣兼武州刺史本官勳封如故  
寵榮游存及忝竊逾涯心魂驚越啓處無地臣某中臣本虛  
賤生遇休明雖跡淹戎位而功微涓滴自陛下聖理天下  
孝感神明任人無舊在物無棄故臣得參定洛汭凱旋鎬  
京職分上卿位列特進材力之所不足官謗之所自貽跼  
天路地心愧顏厚殞身滅迹無以上報猶且恤臣家帑放  
臣休沐遂嬰疾苦未及歸朝一年以還四命爲牧內省尸  
素空勤竹符將免胃而有期且戴天而何力即以今日

至州上訖奉宣皇化以靖方隅誓求人瘼勉守亭障無任負恩勵節之至

汝州刺史謝上表

賈至

臣某言伏奉某月日制一作勅除臣汝州刺史捧荷恩私適

離軒陛專城之寄則厚魏闕之心斯切即以今月至州上

訖臣某誠惶誠恐頓首頓首臣遭遇艱難謬忝近侍扈廵

巴蜀朝覲朔方崎嶇三年恒伏輿下一作軫而才微智淺內

不能申竒謀異畫外不能預武毅崇一作戎勳掌翰承榮日

以為愧屬陛下神武戡難并構乾坤動植生靈濟於塗炭

臣以庸劣績用無聞生覩中興以為殊幸官登列守彌覺

叨榮汝墳一作瀆之人久罹殘賊間閭凋弊萑蒲未靜

下慈卹之旨承陛下雷霆之威緝里疲人畏懷亡命均其

一作爾賦役免其農桑庶憑睿謀迄可底定敢勵鉛刀之割

終於一作成犬馬之戀不任悽悽之至謹奉表陳謝以聞臣

某誠惶誠恐頓首頓首謹言

忠州刺史謝上表

李吉甫

臣某言伏奉恩命擢授臣持節忠州諸軍事守忠州刺史

越自東海收於巴中秩優專城任切謹俗臣某誠歡誠喜

頓首頓首頃以進取乖方譴累斯及遠投海裔分棄朱崖

類表作生陛下精意饗天覃恩率土故臣得澡身霑澤剖

竹藩方一作方州恩出九重謗銷眾口受命之日心魂載馳屬

楚越途遙奔馳道阻泝流七千陟一作涉險非一霄暑嬰瘴

張與



羸骸僅存以今月七日昇曳到所部上訖臣往歲曲臺掌  
禮已蒙一作承訪對之榮南宮起草猶妻奉絕之任陛下展

事宮廟臣實職導乘輿接星仗於鈎陳趨日馭於黃道奉  
璋薦鬯左右天威增秩進階霑霑慶渥臣業以儒進才匪

時須書生之幸亦已過分中貽謗缺咎則自招一作貽今荷

寵光恩由天造勤一作勵精於緝理庶有效於消塵一作矣

巴山萬里一作重峽水千仞微分一作公非何寄長瞻北辰臣無任感

戴屏營之至謹遣衙官朝散大夫試兖州長史賜紫金魚

袋一作字文僂奉表陳謝以聞臣某誠惶誠恐稽首頓首謹言

一作皆  
唐類表

### 為汝州刺史謝上表

穆負

臣某言伏奉正月九日勅授臣使持節汝州諸軍事守汝  
州刺史充本州防禦使臣祗荷寵命兢兢戒路以今月二  
十五日到州上訖臣聞位非所據榮實為憂任過於量勤  
不補敗伏自省懼心魂震驚臣某誠惶誠恐頓首頓首臣  
頃佐方鎮本逃饑寒推遷歲時累忝班序而身遠跡賤才  
薄官微宣力中朝事將望絕昨者一介陪隸萬國朝元不  
寤日月垂明幽隱斯燭荒微未効記意於勞問之初愚懇  
微誠卑辭於朝賀之次亦既信宿遽承寵光况地屬王畿  
任當時要愛寄所切文武是資何堪負乘又過獎擢唯當  
以竭誠自勵戒懼自持庶副所受安人理戎之命少酬萬  
一無任懇悃屏營之至謹遣某官奉表陳謝以聞

為福州刺史謝上表

常衮

臣某言奏事官特進試鴻臚卿臣郝誠益類表作誠溢至伏奉  
 墨制優容兼賜手詔宸旨寵臨榮渥光被跪讀流汗捧抃  
 失容臣某誠懼誠喜頓首頓首伏以聖慈宥過朝獎踰涯  
 敢希身榮以冒班列殊死陳乞冀遂愚誠天覆棄瑕藩寄  
 如舊宜勵駑鈍以効涓塵類表作毫不敢稽恩有醜承命感戴  
 欣躍仰荷殊私踧踖戰兢實憂曠職謹當宣布德澤奉行  
 科條苦節以緝疲人誓心擬補前咎夙夜祗畏懲省微勤  
 期於萬一以申上報無任捧戴屏營之至謹奉表以聞

潮州刺史謝上表

前人

臣某言臣冒犯刑章合當萬死曲蒙慈貸特賜再生仍假

公符更承寵授感恩待罪心魂戰越以九月十一日到州  
 上訖臣某誠惶誠恐頓首頓首臣凡賤末品非才冒榮虛  
 忝國恩實昧朝典尸榮無補公責所歸竊自循省早宜謹  
 黜求惟光顧未答殊私慙負至深衷惶靡及陛下以大聖  
 承統以至明照臨孝思感於天地儉德齊於堯禹道在還  
 淳化先無事臣宜進賢以報國同力一作休體以守公而乃輕  
 奏忠良苟循愚執豈非臣褊心失措躁遽而然亦是速戾  
 之時迷誤至此負恩既重自棄何逃處之嚴刑猶未追責  
 豈謂特迴宸斷俯降天慈矜臣蠢愚憫臣孤弱全其將朽  
 之骨復其已逝之魂俾奉藩條獲從職守悚慟懼荷罔知  
 所圖臣自辭闕庭深省罪釁一作釁各未嘗頃刻輒忘悔尤中

朝拜馳每步懲誠終夜不寐每思競慙尚偷餘生誓將改  
過敢惜微命以自懷安惟勵丹誠度答鴻覆况親人之寄  
在遠尤切謹當宣揚聖化慰撫海隅少安疲曠以展微効  
伏以差使上謝有虧格文跼踖憂惶不敢專擅無任懇迫  
之至謹附本道觀察使附便使奉表陳謝以聞

柳州刺史謝上表

李吉甫

臣某言伏奉詔書授任柳州刺史以今日二十五日

柳宗元集

作二至所部上訖臣某誠惶誠恐頓首頓首臣前歲以疾

集作又停官去年蒙恩除替便欲裂裳裹足趨赴京師以舊

疾所嬰彌年未愈逮及今夏始就歸途襄州

集作陽

節度使

于頔與臣早歲同官見臣當暑在道懇留就館尋假職名

意欲厚臣非臣本

集作

願伏惟陛下光被之德道已洽於

區中憂濟之勤心每徧於天下常以萬邦共理必藉於循

良一物不遺尚延於愚邈假臣寵渥重領方州駑駘復効

於馳驅

集作

枯朽更同於華秀臣某誠懼誠喜頓首頓首

臣聞潢汚易竭徒有朝宗之願犬馬無識猶知戀主之誠

揣分則然惟天所鑒况臣昔因左官一紀于外子牟馳心

於魏闕汲黯注意

集作

積思於漢庭豈伊非夫

類表作臣豈非其人集作豈非其人

獨無斯戀去就者榮辱之主朝廷者仕進之源臣子之

宜忠貞所志臣雖心同犬馬而分比潢汙幸躡康衢意

竟悲往蹇臣之此誠口不能諭意欲自

集作

達文非盡言

此臣所以自咎自傷恨垂志願猶冀苦心勵節上奉詔條

惠寡安集作貧下除人瘼恭宣皇化少答鴻私不勝感戴  
歡欣之極謹遣軍事衙前虞侯王國清奉表陳謝以聞

新唐書李吉甫傳改柳移饒舊唐書乃以柳為柳致柳  
宗元集三十八卷悞收兩表前題謝除云奉三月十三

日制六月二十七日上訖此即宗元表也後但題謝上  
又云今月二十日上訖月日文理皆非宗元事其為吉

甫何疑

饒州刺史謝上表

前人

臣某言今月五日中午使劉元晏奉宣聖旨擢授臣饒州刺  
史兼賜官告仍至當州送上者臣與元晏一作某一作月二十  
三日至州上訖臣伏以郡守分符朝有常典王人賜一作班

一作竝貴臣事出非常恩超往例拜一作舞之際悲歡失

容臣某誠歡誠喜頓首頓首臣聞千年一聖生聖一作此一作時

者為遭逢萬朝一昌偶昌期一作斯運者為嘉會臣頃者每念

生聖時逢聖運而職在遐外莫能自通何嘗不顧影獨悲

捫心屢泣晝望白日夜瞻北辰豈謂分寸之績未施丹懇

之誠若感微藿傾心蓋草木之常分大陽迴燭及幽遠而

不遺今陛下降不次之恩授分憂之地拜章承旨皆自中

人聖渥霑濡天威咫尺從此萬里不為孤臣臣某誠權誠

喜頓首頓首臣又聞臣子之道犬馬代勞義不辭難分當

竭命臣竊以一作飽食厚祿肌一作生澤膚猶願荷戈於

逐虜之疆免胄於捐軀之所至於理財均賦惠寡安貧勸

農桑敦學校儒吏之常節駑駘顧何以堪當此殊勞少答  
玄造高秩以忝鴻私未酬悽悽此誠沒齒無怠不任感涕  
屏營之至

三十六字一作駑駘匪勞顧上表詔條下賒人  
曠恭宣大化必答鴻私不勝感戴欣歡之極

一作皆唐類表

### 柳州刺史謝上表

柳宗元

臣宗元言臣伏奉三月十三日制除臣使持節柳州諸軍  
事守柳州刺史以六月二十七日到州上訖臣宗元誠惶  
誠恐頓首頓首早以文律參於士林德宗皇帝選於衆流  
擢列御史陛下嗣登寶位微臣官在禮司百寮稱賀皆臣  
草奏臣以不慎交友旋及禍訕集作聖恩弘貸謫在善地  
累更大赦獲奉詔追遠離十年一見宮闕親受朝命故人

遠方漸輕不宥之幸特奉分憂之寄銘心鏤骨無報上天  
謹當宣布詔條竭盡駑駘皇風不異於遐邇聖澤無間於  
華夷庶答鴻恩以塞餘罪無任感恩階越喜懼之至謹遣  
軍事十將劉伯通奉表以聞

### 代永州刺史謝上表

前人

臣某言臣伏奉某月日制書除臣永州刺史以某月日到  
州上訖受命若驚臨職彌懼臣某誠惶誠恐頓首頓首臣  
以無能累更事任神州赤縣實所備嘗過量逾涯每深兢  
惕不謂聖恩推擇濫駕朱輪祿秩徒增詎施乳哺之惠服  
命虛受寧興襦袴之謠况此州地極三湘俗參百越左衽  
居推髻之半可墾乃石田之餘曠牧守於再秋彌驕獷俗

代征賦於三郡重困疲人分災本出於一時積弊遂逾於  
十稔撫安未易知法出而姦生子育誠難懼力勞而功寡  
風夜憂切不敢違寧謹當宣布天慈奉揚神化以日繫月  
儻或有成少裨愷悌之風用答生成之造臣無任感恩殞  
越之至

道州刺史謝上表

呂溫 英華作 呂頌非

臣某言臣去十月十七日蒙恩授使持節道州諸軍事守  
道州刺史奉命星馳不敢違息以今月七日類表作二到

州上訖祗寵自天戰類表作非跼無地臣某誠兢誠感頓首頓

首臣謬以孱庸早忝朝序再塵憲府三踐文昌竟不能著

稱彌綸贊肅綱紀合行殿黜集作誠 合沐黜翻蒙獎任共至公之

理分子物之憂自古審官莫斯為重臣才乏吏用識昧政  
經將何以克副聖心撫寧遐俗唯當勤宣皇一作化虔奉  
獎章苦節勵精類表作精少酬萬一臣無任受恩感激之至  
謹奉表陳謝以聞

衡州刺史謝上表

前人

臣某言伏奉五十一日恩制授臣使持節衡州諸軍事守

衡州刺史散官勳賜如故謹以七月十五日到本州上訖

恭承寵命循顧庸虛感抃失圖戰跼無地臣某誠感誠懼

頓首頓首臣聞三載陟明虞書盛典六條舉最漢制宏規

必在上允帝俞俯諧師錫臣謬領郡務素無吏能虔守國

章布宣皇化匪寧一作能風夜再換炎涼仰奉陛下憂勤以

...

恤遠人凋瘵雖檢身肅下不敢愧於神明而阜俗移風竟未彰於績用將何以特膺睿獎簡在宸心當愷悌之旁求副集作循良之慎集作選省躬增愧集作殞首知慙謹當恪勵集作精誠策磨朽鈍冀集作立日新之効少酬天覆之恩實望聖慈照臣肝膽臣無任感躍屏營之至謹差某官某乙奉表陳謝以聞

黔州刺史謝上表

呂頌

臣某言伏奉去年某月日恩勅授臣使持節都督黔州諸軍事守黔州刺史兼御史中丞一作大夫臣某中臣以今年某月日到所部上訖螢燿之光無裨日月蠹蟻之埋謬厠立山臣素以凡庸幼乏師訓遭逢聖代一作多難志業無聞往昔

一作

建中之初嘗備對敷之末臣於延英殿獻大禮賦一首特奉恩旨令臣自讀天顏咫尺芻鄙必聞一覽繁詞三蒙眷獎宣付史館列在圖書此微臣之榮一也尋屬賊臣希烈上表臣奉詔奔馳因茲淪陷臣忍死効節偷生竭忠分士伍以弱枝獻土地以強幹當元克授首之際亂兵害帥之時玉石不分生殺一作殺傷未定初則傳臣及禍後乃知臣僅存陛下分命宰臣念形于色始臨軒而出涕終省表而再歡君上之慈古今未有此微臣之榮二也妖氛即殄飛詔追臣就拜銀青仍一作特加金印授官華省列位聖朝萬死之中再肉白骨九泉之下獨見青天此微臣之榮三也去歲季春一作去陛下與太子諸王賦詩見宴中書宣付遍

示百寮凡在臣下一作朝臣無不奉和擢居第一唯臣一人獨

荷殊旌乃一作仍蒙厚錫光生御札榮溢天衢百辟具瞻萬

人傳誦此微臣之榮四也臣本書生謬登清秩始詳刑政

旋改轄司陛下不念愚蒙一作念臣愚衷擢臣非次草奏之地忽

降旌旄郎署之間遽一作速遷方鎮此微臣之榮五也臣聞

受寄崇者其勲大荷恩重者其感深今臣無迹可稱無功

可紀累承睿渥叨冒寵章草木逢春罔答陽和之煦昆蟲

啓蟄寧知天地之仁將何以受陛下非次之恩答陛下殊

常之造臣伏以黔巫遠一作遐僻山洞阻深地極荒陬人多

逋梗不生五穀不一作豈識桑蠶迫之則鳥獸同群緩一作緩

之則木石為伍臣謹當申明朝典宣布皇慈扇以仁義之

風諭以君臣之道裨知教化或漸庶幾誓安遠人永清殊

俗臣無任荷恩寵之至 一作皆唐類表

校正一百五字 十月初一日

文苑英華卷第五百八十五